

**ხელშეკრულება №23-512**  
სახელმწიფო შესყიდვების შესახებ  
(ელექტრონული ტენდერი NAT230014957)

ქ.თბილისი

**ხელშეკრულების დამდები მხარეები**

შპს „ენგურჰესი“, იურიდიული მისამართი: ქ. თბილისი, ა. პოლიტკოვსკაიას ქ. №8, ფაქ. მდებარეობა: გალის რ-ნი, დას. საბერიო, შემდგომში „შემსყიდველად“ წოდებული, მისი დირექტორთა საბჭოს თავმჯდომარის - ლევან მებონიას სახით, რომელიც მოქმედებს კომპანიის წესდების შესაბამისად ერთი მხრივ და

შპს „მშენსერვისი 2002“, იურიდიული მისამართი: ქ. თბილისი, გლდანი, ქერჩის ქ. №3, შემდგომში „მიმწოდებლად“ წოდებული, მისი დირექტორის - ლუდმილა გვაგვალიას სახით, რომელიც ასევე მოქმედებს კომპანიის წესდების შესაბამისად მეორეს მხრივ, შესყიდვების ერთიანი ელექტრონული სისტემით გამოცხადებული ელექტრონული ტენდერის - NAT230014957 საფუძველზე დებენ სახელმწიფო შესყიდვების შესახებ წინამდებარე ხელშეკრულებას შემდეგზე:

**1. ხელშეკრულებაში გამოყენებულ ტერმინთა განმარტებები**

- 1.1. „ხელშეკრულება სახელმწიფო შესყიდვის შესახებ“ (შემდგომში-„ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს მიწოდებას ხელშეკრულების ფარგლებში.
- 1.5. „სამუშაო“ – ხელშეკრულების მე-2 მუხლით გათვალისწინებული ხელშეკრულების საგანი.

**2. ხელშეკრულების საგანი**

- 2.1. შესყიდვის ობიექტია:
  - შპს „ენგურჰესი“-ს მიერ წყლის ავზიდან დას. საბერიომდე გამანაწილებელი (გამწოვი) ქსელის რეაბილიტაციის სამუშაოები.ხელშეკრულებას თან ერთვის ხარჯთაღრიცხვა, რომელიც წარმოადგენს ხელშეკრულების განუყოფელ ნაწილს.
- 2.2. კლასიფიკატორის კოდია: 45231113;

**3. ხელშეკრულების ფასი და ანგარიშსწორების პირობები**

- 3.1 ხელშეკრულების ღირებულება შეადგენს: 101500 (ასერთი ათას ხუთასი) ლარს დღგ-ს ჩათვლით.
- 3.2 ანგარიშსწორება მოხდება უნაღლო ანგარიშსწორებით ეროვნულ ვალუტაში – ლარებში.
- 3.3 მიმწოდებელთან განხორციელდება ეტაპობრივი ანგარიშსწორება.
- 3.4 როგორც ეტაპობრივი, ისე საბოლოო ანგარიშსწორება განხორციელდება ფაქტობრივად შესრულებულ სამუშაოებზე ინსპექტირების ჯგუფის მიერ ხელშეკრულების მე-5 მუხლით განსაზღვრული პირობების დაცვით მიღება-ჩაბარების აქტის შედგენისა და მიმწოდებლის მიერ სათანადო ფინანსური დოკუმენტაციის წარდგენიდან 5 (ხუთი) სამუშაო დღეში.

**4. სამუშაოს შესრულების ადგილი, ვადები და პირობები**

- 4.1 სამუშაოების შესრულების ადგილია: გალის რ-ნი, დას. საბერიო.
- 4.2 სამუშაოების შესრულების ვადაა: 60 (სამოცი) კალენდარული დღე ხელშეკრულების გაფორმების დღიდან.
- 4.3 მიმწოდებელს უფლება აქვს სამუშაოები შეასრულოს განსაზღვრულ ვადაზე ადრე.

**5. შესყიდვის ობიექტის მიღება-ჩაბარების წესი**

- 5.1. მიმწოდებლის მიერ შესრულებული სამუშაოების მიღება შემსყიდველის მიერ ხორციელდება ეტაპობრივად.
- 5.2. მიმწოდებლის მიერ როგორც ეტაპობრივად, ისე საბოლოოდ შესრულებული სამუშაოები მიღებულად

ჩაითვლება მხოლოდ ფაქტობრივად შესრულებულ სამუშაოებზე სსიპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან აკრედიტირებული საექსპერტო ორგანიზაციის (შესაბამისი აკრედიტიციის დოკუმენტის წარმოდგენით) მიერ გაცემული დადებითი საექსპერტო დასკვნის საფუძველზე გაფორმებული მიღება-ჩაბარების აქტისა (ფაქტობრივად შესრულებული სამუშაოების მოცულობების მიღების აქტი (ფორმა №2)) და საგადასახადო ანგარიშ-ფაქტურის დადასტურების შემდეგ.

5.3. თუ საექსპერტო დასკვნით შესრულებული სამუშაოები შეფასდება წუნით, მაშინ სამუშაო არ ჩაითვლება შესრულებულად წუნდების აღმოფხვრამდე და შესაბამისად არ გაფორმდება მიღება-ჩაბარების აქტი. წუნდების აღმოფხვრა მიმწოდებელმა უნდა უზრუნველყოს შემსყიდველის მიერ განსაზღვრულ ვადაში. მიმწოდებელი ვალდებულია, აღმოფხვრას ექსპერტიზის აქტში მითითებული ხარვეზები საკუთარი სახსრებით და აუნაზღაუროს შემსყიდველს დამატებით ჩასატარებელ საექსპერტო მომსახურებაზე გაწეული ხარჯები. საბოლოო მიღება-ჩაბარების აქტი გაფორმდება წუნის აღმოფხვრის შემდეგ.

5.4. ხელშეკრულების ფარგლებში შესრულებული სამუშაოების შემოწმებას და მიღება-ჩაბარებას ახორციელებს ინსპექტირების ჯგუფი, რომელიც ადგილზე ამოწმებს ხელშეკრულებით განსაზღვრულ საბოლოოდ შესრულებულ სამუშაოთა მოცულობას და ხარისხს.

5.5 შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირებია:

- შპს „ენგურჰესი“-ს ტექნიკური დირექტორი - გ. ხუბუა, ჯგუფის ხელმძღვანელი;

წევრები:

- შპს „ენგურჰესი“-ს რემონტების მენეჯერი - ი. შონია;

- შპს „ენგურჰესის“ კომუნალური განყოფილების უფროსი - ს. კვირკველია;

- შპს „ენგურჰესი“-ს საწარმოო-ტექნიკური განყოფილების უფროსი - რ. გვაგვალია;

## 6. მხარეთა უფლება-მოვალეობანი

6.1. „მიმწოდებელი“ კისრულობს ვალდებულებას:

- მკაცრად დაიცვას სამუშაოების დამთავრების სახელშეკრულებო ვადები, უზრუნველყოს სათანადო ხარისხი;

- მკაცრად დაიცვას უსაფრთხოების ტექნიკის წესები;

- გამოიყენოს უსაფრთხოების დაცვის საკუთარი საშუალებები;

- სამუშაო პროცესს ზედამხედველობა გაუწიოს მისმა შრომის უსაფრთხოების სპეციალისტმა;

- სამუშაოები შეასრულოს საკუთარი მასალებით, სამუშაო იარაღებითა და სამარჯვებით.

- „მიმწოდებლის“ მხრიდან პასუხისმგებელი პირი ვალდებულია ნებისმიერ დროს მოახსენოს „შემსყიდველის“ წარმომადგენელს სამუშაოების შესრულებისას ჩამოჭრილი პრობლემების შესახებ.

6.2 „შემსყიდველი“ კისრულობს ვალდებულებას:

- მოახდინოს „მიმწოდებლის“ სამუშაოზე დაშვება არსებული უსაფრთხოების ტექნიკის წესების სრული დაცვით.

- დროულად აუნაზღაუროს „მიმწოდებელს“ შესრულებული სამუშაოების საფასური.

6.3 სამუშაოების შესრულების დაწყებამდე მხარეები იძლევიან ინფორმაციას მათი მხრიდან სამუშაოს წარმოებასა („მიმწოდებელი“) და ზედამხედველობაზე („შემსყიდველი“) პასუხისმგებელი პირების დანიშვნის შესახებ.

## 7. ხელშეკრულების შესრულების კონტროლი

7.1 შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე.

7.2 ხელშეკრულების შესრულებაზე კონტროლს განახორციელებს ინსპექტირების ჯგუფი შემდეგი შემადგენლობით:

- შპს „ენგურჰესი“-ს ტექნიკური დირექტორი - გ. ხუბუა, ჯგუფის ხელმძღვანელი;

წევრები:

- შპს „ენგურჰესი“-ს რემონტების მენეჯერი - ი. შონია;

- შპს „ენგურჰესის“ კომუნალური განყოფილების უფროსი - ს. კვირკველია;

- შპს „ენგურჰესი“-ს საწარმოო-ტექნიკური განყოფილების უფროსი - რ. გვაგვალია;

## 8. გარანტია

8.1 შესრულებული სამუშაოების საგარანტიო ვადაა 3 წელი შესრულებული სამუშაოს მიღება-ჩაბარების დღიდან. მიმწოდებელი ვალდებულია დაზიანების თაობაზე შეტყობინების მიღებიდან მოახდინოს შესაბამისი რეაგირება 24 საათის განმავლობაში, ხოლო დაზიანების (ნაკლის) აღდგენა (გამოსწორება) განახორციელოს მიმწოდებლის

მიერ დაზიანების სირთულიდან გამომდინარე, გონივრულ ვადაში, მხარეთა შეთანხმებით, დამატებითი ანაზღაურების გარეშე.

8.2 საგანანტიო პერიოდი არ ეხება ფორს-მაჟორული და მექანიკური ზემოქმედებით მომხდარ დაზიანებებს.

## 9. ხელშეკრულების პირობებისა და ფასების გადასინჯვა

9.1. ყველა დამატება ან შესწორება ამ ხელშეკრულების ირგვლივ ძალაშია მხოლოდ იმ შემთხვევაში, თუ ისინი ხელმოწერილი და დადასტურებულია ორივე მხარის მიერ.

9.2. მხარეებს შეუძლიათ შეწყვიტონ ხელშეკრულების მოქმედება, თუ მეორე მხარე ან არ, ან ვერ ასრულებს სახელშეკრულებო პირობებს. შეწყვეტის შესახებ მხარეები ატყობინებენ ერთმანეთს დაუყოვნებლივ მიზეზების ჩვენებით. ხელშეკრულების შეწყვეტამ არ უნდა გამოიწვიოს რომელიმე მხარის უფლებების შელახვა.

9.3. ფასთა ცვლილება განიხილება სამუშაოთა მოცულობაში ცვლილებების ან/და საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, არაუმეტეს სახელშეკრულებო თანხის 10%-ისა.

## 10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, რაც შეიძლება მოკლე დროში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

## 11. მხარეთა პასუხისმგებლობა ხელშეკრულების პირობების შეუსრულებლობისას

11.1 მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

11.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებებს, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შეუსრულებლობისთვის მის მიერ დამატებით განსაზღვრული ვადის უშედეგოდ გასვლის შემდეგ. თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

11.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

11.4 ხელშეკრულებიდან გასვლასთან და ზიანის ანაზღაურებასთან დაკავშირებით გამოიყენება საქართველოს მოქმედი კანონმდებლობის შესაბამისი ნორმები.

11.5 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზიანი სრული მოცულობით საქართველოს კანონმდებლობით დადგენილი წესით. ზიანის ანაზღაურება ან მისი მოთხოვნა არ აჩერებს ამ მუხლით გათვალისწინებული პირგასამტეხლოს დარიცხვისა და მისი გადახდის ვალდებულებისაგან.

11.6 შემსყიდველი უფლებამოსილია სამუშაოების შესრულების ვადის გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.1 პროცენტის ოდენობით.

11.7 გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე, გადაუხდელი თანხის 0.1 პროცენტის ოდენობით.

11.8 იმ შემთხვევაში, თუ ვადების გადაცილებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 პროცენტს, მეორე მხარეს უფლება აქვს შეწყვიტოს ხელშეკრულება.

## 12. ფორს-მაჟორი

12.1 ფორს-მაჟორული გარემოებები შეიძლება მოიცავდეს შემდეგ გარემოებებს, რომლებიც ვერ იქნება კონტროლირებადი მხარეთა მიერ: საომარი მოქმედება (გამოცხადებული ან გამოუცხადებელი), ბლოკადა, რევოლუცია, რადიოაქტიური დაბინძურება ან იონიზირებული რადიაცია, ხანძარი, მიწისძვრა, შტორმი, ციკლონი,

ეპიდემია, საქართველოს აღმასრულებელი ან საკანონმდებლო ხელისუფლების მიერ გამოცემული ნორმატიული აქტი. თუ ისინი უშუალო ზემოქმედებას ახდენენ ხელშეკრულების შესრულებაზე ხელშეკრულების შესრულების ვადა გადაიწევეს შესაბამისი დროით გარემოებათა დასრულების შემდეგ.

12.2 თუ სახელშეკრულებო ვალდებულების მთლიანი ან ნაწილობრივი შეუსრულებლობის პირობები გაგრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება დამატებითი კომპენსაციის უფლების მოთხოვნის გარეშე.

12.3 მხარე, რომელსაც შეექმნა ფორს-მაჟორული გარემოება, დაუყოვნებლივ უნდა აცნობებს მეორე მხარეს წერილობით ამის შესახებ. იმ შემთხვევაში, თუ ფორს-მაჟორული გარემოების დადგომის გამო იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

### 13. დავები და მათი გადაწყვეტის წესი

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე. შეთანხმების მიუღწევლობის შემთხვევაში, მხარეები მიმართავენ სასამართლოს, საქართველოს კანონმდებლობის შესაბამისად. მხარეები თანხმდებიან, რომ პირველი ინსტანციის სასამართლოს გადაწყვეტილება მიექცევა დაუყოვნებლივ აღსასრულებლად, საქართველოს სამოქალაქო საპროცესო კოდექსით დადგენილი წესით.

### 14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ხელშეკრულებაზე ბოლო კვალიფიციური ელექტრონული ხელისმოწერის ან/და ბოლო კვალიფიციური ელექტრონული შტამპის განთავსების დღიდან და მოქმედებს 2023 წლის 25 ნოემბრის ჩათვლით.

### 15. მხარეთა იურიდიული მისამართები და რეკვიზიტები

„შემსყიდველი“  
**შპს „ენგურჰესი“**  
ს/კ 251716371  
იურიდიული მისამართი: ქ.თბილისი,  
ა. პოლიტკოვსკაიას ქ. №8  
სს „საქართველოს ბანკი“  
მ/კ BAGAGE22  
ა/ა GE05GE0000000126298600  
დირექტორთა საბჭოს თავმჯდომარე

**ლევან მეზონია**

"მიმწოდებელი"  
**შპს „მშენსერვისი 2002“**  
ს/კ 200076210  
იურიდიული მისამართი: ქ. თბილისი,  
გლდანი, ქერჩის ქ. №3  
სს „თიბისი ბანკი“  
მ/კ TBCBGE22  
ა/ა GE40TB7413036050100001  
დირექტორი

**ლუდმილა გვაგვალია**

ვიზა:

ფინანსური დირექტორი:

იურიდიული სამსახური:

შესყიდველისა და მომარაგების სამსახური:

წყლის აგზიდან დასაბუნრომდე გამანაწილებელი(გამწოვი) ქსელის რეაბილიტაციის  
ხარჯთაღრიცხვა

#	სამუშაოსა და დანახარჯების დასახელება	საზომი ერთეული	ნაირდებობა	ღირებულება(ლარი)						ჯამი	
				ხელოფასი		მასალები		ტრანსპორტი			
				ერთეული	სულ	ერთეული	სულ	ერთეული	სულ		
1	2	3	4	5	6	7	8	9	10	11	
1.	წყალსადენის შიდა ქსელის მოწყობის ადგილზე მიწის ამოღება (0.3X0.5X1350) ექსკავატორით	მ <sup>3</sup>	202,50	10,00	2 025,00						2 025,00
	ბეტონის საფარის მოხსნა 20,0მ*1,0მ*0,30მ	მ <sup>3</sup>	6,00	50,00	300,00						300,00
2	წყალსადენის შიდა ქსელის მოწყობის ადგილზე არსებული მილსადენის დემონტაჟი, დატვირთვა და ენგურჰესში სახით ჩაბარება	კ/მ	1 350,00	1,00	1 350,00			0.09	121,50		1 471,50
3	ქვიშის საფარის მოწყობა, სისქით 10სმ(0,2*0,3*1350)	მ <sup>3</sup>	115,00	8,00	920,00	13,80	1 587,00	5,00	575,00		3 082,00
4	პლასტმასის მილის 15ატმ, დ-140 მმ. მოწყობა	კ/მ	1 350,00	9,50	12 825,00	34,00	45 900,00				58 725,00
5	მილემის არსებულ ქსელში შეჭრა	ადგილი	2,00	67,92	135,84	175,00	350,00				485,84
6	ურდულის მოწყობა დ-140	ადგილი	2,00	70,00	140,00	185,00	370,00				510,00
7	გრუნტის უკუჩაყრა ექსკავატორით (0,3*0,3*1350)	მ <sup>3</sup>	121,50	8,00	972,00						972,00
პირდაპირი ხარჯების ჯამი						18 667,84		48 207,00		696,50	67 571,34
სატრანსპორტო ხარჯები შიდა გადაზიდვებზე მასალიდან			5%								2 410,35
ჯამი											69 981,69
ზედნადები ხარჯები			10%								6 998,17
ჯამი											76 979,86
გეგმიური დაგროვება			8%								6 158,39
ჯამი											83 138,25
დაგროვებითი საპენსიო გადასახადი			2%								373,35
ჯამი											83 511,60
გაუთვალისწინებელი ხარჯები			3%								2 505,35
ჯამი											86 016,95
დ.ღ.გ.			18%								15 483,05
სულ ჯამი											101 500,00

შპს "მშენსერვისი2002"-ს  
დირექტორი

ლ.გვაგვალია